



真誥卷之七

梁華陽隱居陶弘景造

明震維居士俞安期訂

甄命授第三

體已

此一字後人僥益

標高運味玄咀真呼引景曜

凝靜六神煥領八明委順靈根寶鍊三度養  
液和魂假使衝風繁激將不能伐我之正性  
也絕飈勃藹焉能迴已之清淳耶爾乃空沖  
自吟虚心待神營攝百絕栖澄至真當使憂



累靡于於玄宅哀念莫擾於絳津也淡泊眇  
 觀顧景共歡於是至樂自鎗零聞於兩耳雲  
 璈虛彈乎空軒也口挹香風眼接三雲俯仰  
 四運日得成真視矚所涯皆已合神矣夫真  
 人之得真每從是而獲耳不真而強真亦於  
 此而顛蹙也復使愆痾填籍憂哀塞抱經營  
 常累憑惜外道和適羣聽求心俗老忽發哀  
 音之今涕此作奚胡音猶今小兒啼不止謂為咳呱也長悼死沒  
 以悲逝必精滅神離三魂隕炁邪運空間魄

告翹翹乘我虛陣造邁百崇何可握生道以  
 奔於死房陶靈風而踐於尸室擲已吉象投  
 之凶穢乎已聞高勝而故由豫屢覩明科而未  
 釋疑遂羅洿上章使臭染隱書四極擊鼓三  
 官尋鈔誓信云何而忘太初於焉而遊神虎  
 奮爪毒龍効牙八方誠曠謂應作曠處而逃  
 身謝之後方悟清僚之可羨言者之不虛矣  
 且哀聲亂真于忤正炁明君胡不常處福鄉  
 於此振衣而歸室乎正月十一日夜安妃告



真言 卷之十一  
此一條是寅年正月九華告楊君相譏  
誦之事故南真後復有所論也楊書

真人歸心於一正道烝標任於永信心歸則  
正神和信順則利貞兆此自然之感對初無  
假於兩際也夫惑生是非嫌遘疑似潛滯於  
中抱間心裏外握察觀之烝內有緼結之哂  
遺初覺於建始垂玄梯而密猜者有如此徒  
我見其敗未見其立矣蓋有懷而懼者豈獨  
一人哉二月三十日夜南嶽夫人告許長史  
可以示同恣而墮惑者此是授長史今說喻  
楊君勿疑九華之事

也楊書故望洪濤之暨天則知其不起乎洿池

之中矣覩玄翰之汪濊則知其不出乎章句

之徒也紫微言衆藻集而龍章成羣聲會而雲

韶諧辛酸備則嘉味和耳中候夫人答此二  
辭乃出抱朴子外

篇博喻中後復有此例當是衆真借取以  
譬而用之猶如所稱周易毛詩中語耳彼

人何如梁伯鸞乎中候言彼人當  
是指長史也梁氏德狹

也此子蕭條氣遠甚矣夫垂蔭萬畝者必出

峻極之嶺滔天振岑者必發板桐之源洪哉

積陰德之賢有似邠人也紫微答邠即豳國  
以此周太王也自

真告



蔭以下至板桐之源亦是博  
喻中語唯改襄陵作振岑  
彼愈北而聰明

愈閉右英言聰者貴於理道音於千載之外而

得興亡之迹矣逸麟逍遙於太荒之表故無

羈絡之憂靈羽振翅於玄圃之峰以遺羅紲

之患何其識吉凶哉保命仙人答此復是博喻兩篇合為今語而改

機穿作羈絡靈鵲作尋飛絕影之足而不能

騁逸於吕梁凌波泳淵之屬而不得陟峻攀

危彼子誠可才異也安能內攝哉輔機者欲

仁人也德欲茂矣繁林翳薈則羽族雲萃玄

淵浩汗則鱗羣競赴若其宅心者衆將何事

於近紫微言

右八條楊書又有掾寫

有道者皆當深研靈奧栖心事外但思味勤

篤糟粕餘物亦足自了耳桐柏真人言夫清靜未

若東山養真未若幽林栖形景之虛上遠風

塵之網纏於是榮辱之羅何足以羈至士耶

右二條楊書

夫金玉山積猶非我也胠脛之檐往矣猶非



已也榮冕之盛陳矣猶非貴也采艷之芬華  
矣猶非真也能消而蕩之則淫吝之心亡也  
鄙滯之門閉矣尚真之覺漸也千謂應作阡字陌  
之情見矣如其不爾四者皆成內賊之害外  
爲驩兜之患不去吝之不散無所復營措於  
其間矣亦無事趣當爾也戒長史也此三字本朱書亦應是右  
英夫人言也爲道者實有勤苦斯人也可謂必得  
之矣

右二條長史掾書

夫學道者當得專道注真情無散念撥奢侈  
保沖白寂然如密有所覩熙然如潛有所得  
專專似臨深谷戰戰如履於冰炭始得道之  
門耳猶未得道之室也所謂爲難者學道也  
所謂爲易者學道也寂玄沈味保和天真注  
神栖靈耽研六府惜精閉牝無視無聽此道  
之易也卽是不能行此者所以爲難許侯研  
之哉斧子瑩之哉右右英所道令疏彼君勤其事者有獲福者多也  
墮謂應作之者禍敗積矣范帥言不知道誰



應是鬼帥  
范疆矣

右二條有掾書

昔因華氏累白書敬靈道高邈音響冥絕仰  
瞻九霄注心罔墜矜逮不遺特蒙酬告雲華  
斐暢玉音粲發誘導恂恂啓悟丹至披覽欣  
欣五情悅懌某志好有年未獲<sub>△△</sub>  
字別本  
作剋  
遂  
恭黨幽晦始覩天日靈真<sub>△</sub>  
此缺失一字別本作  
微字  
疑非  
請訓誨交湊剋已補過思釋鄙滯夙興  
勤惕悟寐自厲庶幾積誠卒獲微感玄運既

會奉觀有期<sub>想</sub>  
疑長此一字  
良為<sub>△△</sub>  
缺失一二字別本作延

仰生染迷俗沈溺塵昧不達上真謂道盡此

決欲習性以靜之損<sub>△</sub>  
缺失一字  
以寶之非

為色欲<sub>△</sub>  
缺失一字  
多而患在難<sub>△</sub>  
缺失一字  
至於水

火之戒冰炭之喻朗然照豁敬承清規務損

之又損之<sub>△</sub>  
謂應是  
至於死灰也歎覺悟之

不早恨知機之將晚用火之言其旨頗微思

之觸類良追愧悚

昔憑賴華氏每輒獎勸願其有成得見陶冶



而耽味華競蹈道不篤恒欲與共清閒使意盡言苦而已趣向不同密言難遇然喁喁之懷要欲獻其丹款矣不審故可復有冀不此

書長史答先因通華僑意似酬前書而又言用火之言此授今闕

### 右二條公書

茅小君去五月中失日有言云華僑漏泄天文妄說虛無乃今華家父子被考於水官華僑之失道由華騎之佞亂破壞其志念華團華西姑考三官因之以試觀試遂不過僑於

是得有死罪故名簡早削奪尋輸頭皮於水

官也可密尋彼家有此人名不是誰者

此前並是

酬問華氏事不知是子年丑年耳

許朝者暴殺新野郡功曹張煥之又枉煞求龍馬此人皆看尋際會比告訴水官水官逼許斗使還其丘墳伺察家門當衰之子欲以塞對解逼示彼訟者耳是斗亡月亡日其應至矣君自受命當能治滅萬鬼羅制千神且欲視君之用手耳欲令無他者宜以此日詣



斗墓叱攝煥等制敕左官使更求考代震滅  
爭源也可勿宣此當言我假威於君矣不知  
君宜往試攝滅之耳滅鬼之迹事中暨應爾

六月十六日夜小君授書此

此令楊君為長史家攝過冢訟

也許朝先為南陽郡故得殺新野人而此三人  
事不出周魴誥先生中當是四十三條限也  
斗為仙品而猶被水官之逼者是喪服中殃氣尚  
相關涉故也

紙三百

酬鬼帥王延近報錄書以杵宗會有功

油三斗

酬鬼帥傅晃近

與功曹使者令勢威照鬼形使不得暴

青絹三十尺

酬鬼帥范疆近執戮

百惡滅訟散禍有功

銀义三枚

酬鬼帥深衛近防護疾者招魂安神使冢訟不

行有殊功

右四條詭以六月十三日小茅君假作玉斧

之形以夢告於虎牙使令夫婦明輸此四種

詭以酬四帥之禽鬼者何以不復憶此可餘

問

餘問謂令與同勿忽忽耳非使此四鬼帥本亦道家之祭酒也得下解法受書為鬼

耳既有酬詭後長為已用心也所以夢假於

玉斧之形者虎牙魂魄未得通接仙真故也

玉斧清淨藻潔久齋濯魄心近於仙故假象

以通夢也通夢而猶不悟可謂信之不篤或



悟而忘其詭可謂篤而不思

夫詭誓者悉皆受命密交慎不可令人知外

書云我聞有命不可以示人乎毛詩揚之水篇云我聞有

命不可以告人當謂此也

六月三十日夜小君授書密密示之

真司科云有用力於百鬼驛帥御於天威者

宜須此詭地下主者解下道之文官地下鬼

帥解下道之武官文解一百四十年一進武

解二百八十年一進武解一解之下者也夫

心動於事慾兼味於清正華日以隨世而畏

死以希仙者皆多作武解也此武解之目世中諸人多有相

類宜服五飲丸去水注之氣可急合不但治

疾而已亦以住白而有氣色也

六月二十三日夜南嶽夫人告長史素患淡飲比來

疾動故有此告五飲丸即是世中者耳

精合五飲丸當大得力且可自靜息乎范安遠所

言語許長史無所憂不煩此詭可還之右保命君

語許侯勿憂嗣伯之詭且還之



右右英夫人語

小君曰我二人吏兵恐宜詭謝獻以體上之  
密寶不爾小子後不肯復為爾用力也許厚  
之徒也許犄子所賴在其弟許牙所賴在其  
父佳事不可忘也惡事不可忘也又為寶密  
關達機密銀亦為次寶也其今多情彌精耳  
後勿復數爾勞損其神

右小茅君受所言

許賤者戴石子之女也為讐家薛世等所殺

又世殺賤抱小兒阿寧賤今在水官與兒相  
隨骸骨流漂亦訟在三官求對考今生人也  
寧見殺時頭先患瘡瘡流面目

檢譜不見戴賤當是婦人

不顯名

七月二日夜小君授書

其夕長史亦得夢

此夢字也真書多如此

死生之機得失之會蓋更切耳何不遠存玄  
味耽虛標流乎求之近應應愈賒也此亦入  
失之路耳想體尚高韻不細求之於毫末矣



七月二十六日夜紫微夫人授作令與許  
長史

右從小茅君來凡十八條楊書

七月二十七日禺中許主簿華侯當入靜中  
爾時無復所有爲防未然耳

近不得以疾篤告者我慎法之故且世人知  
未病之困必泄三官之禁則累加漏身增瘵  
絕疾今何乃用憂之甚耶名身誰親蓋宜思  
之

縱令以小代大於父何如大小俱來於母何  
如衰自己身訟自家人耳三官自有成事憂  
惋亦無所解自非齊達於內外者將不得不  
懼悸

今月六日是赤孫絕日先處事耳今雖停放  
無所復畏然四帥逆已關之於都禁至日爲  
能遣尸殺使者看望之雖弗復慮矣至日父  
母將入靜中靜中疾發亦無苦也我其日亦  
當視汝



右三事小茅君說

右三條公書

八月六日父母將赤子入靜燒香北向陳乞於二君爾時自當有所見所見萬無所苦也其日中時當有前日碧衣介華袴人來在靜前立徘徊者小君也可就請乞也

八月六日中當有一人著平上幘多髭鬚長長爾著紫皮袴褶將黃娥來此人是鬼帥王延也延自爲人作益爲將娥見人耳娥其日

或當被縛華書吏其日當內井上助主人耳日中當來須臾去也故宜力上諷注冢訟章於却氣毒之來往也三過如此考者匿矣夫散翳布考皆因人之不陳疾者懼焉則精胎內戰是故疚痾流發非唯一身而已今所以令上章者亦以遏虎牙之盈縮耳

范中候所道如此

范中候名邈卽是撰南真傳者

許厚當謝詭南真夫人吏兵告大章如此

右小君



以小代大復請何爲當啓太上停之何如

右小君

牙亦爾耶勿忽忽演小子耳許牙何豫乎焉  
敢復相追爾娥與厚有水火之書吾近承南  
真命推縛盡執也小鬼頭不制服豈足憂亦  
許長史用心之所尅也

右小君

許厚自是其丈人所責責亦至也責不以家  
事往來之賓經意意亦當得之也云何每爾

此自家長之教忌不豫我也重謝斗當必釋  
耳范帥頃考以其不詭乃欲不復豫事我不  
聽之今無爲也詭當一須疾愈送斗恒渴而  
飲不可飲食多困故而不可食子婦不經心  
亦不可不令知死丈人之責耶故宜以家事  
爲勤爲爾不已或能致之於丈人宇下受教  
耶

八月二十夜小君授書此使示斧

右十條揚書



真言 卷之七  
許長史所使人盜他家狗六頭於長史竈下  
蒸煮共食之長史何以不檢校使臭腥之氣  
薰染肴飯既食而步上道亦已犯真人之星  
也  
有一白犬俗家以許禱土地鬼神云何令人  
盜烹之土地神言許長史教之使爾不言小  
人盜自爾也密尋之爾在宇下而不覺恐方  
有此此亦足以爲一病宜慎

八月六日夜茅小君授以與許長史

亦宜有辭詣南嶽夫人乞疾病得愈之意又  
宜辭詣保命定錄二君辭旨當令如南嶽夫  
人疾者自當告乞於玄師不爾不差

易遷昨來道此

**別省**

此二字  
題紙背

右四條楊書

男生許玉斧辭玉斧以尸濁肉人受聖愍濟  
拔每賜敕誠實恩隆子孫常仰銜靈澤永賴  
天廕玉斧以駑鈍頑下質性難訓雖夙夜自  
厲患於愆失此夕夢悟尋思此意皆玉斧罪



責慙懼屏營無地自厝靈道高虛肉人未達  
真法唯執心守敬修行寶祕而已或恐靈旨  
高遠誠喻幾微玉斧頑闇不能該悟如此之  
罪日月臻積違法犯誠亦當千萬神母仁宥  
輒復原赦故今日憂惶深重肝膽破碎唯督  
謂應作骨思愆無補往過連陳啓煩多希請  
析字非所兼以愧怖玉斧歸誠乞誓以今日更始  
當洗濯心誠盟於天地靜守形骸軌承訓誨  
乞原父穆兄虎牙小大罪考玉斧不修乞身

自受責原赦大小若神母遂見哀愍許玉斧

思愆補過舉家端筆受恩是永覩三光受命

更生謹辭

此與是虎牙病時掾與南真辭也掾自書本

虎牙慎不可復履淹及見人之新淹者三元  
驚喪多喜殺人

八月二十四日南真告

學道者常不能慎事尚自致百病歸咎於神  
靈當風卧濕反責他於失覆皆癡人也安可  
以告玄妙哉



保命告牙

右二條有掾書公夫要皆錄人也安何  
須臾自吟曰朝華煥晨井九蓋傾青雲前此  
珪璋庸不識萬流椿解落儵歛頃寅客何必

人

或云是誠人誠則能改

右英晚而言曰見形之子守分業於儒墨栖  
沈之客步玄辭而詠虛彼人自可晚曉耳  
許伯兄弟復有心乎恐皮耳試復一悟忌其  
微路耳

九月二十八日茅保命告

可成與不極此舉

定錄君說此

違內負心三魂失真真既錯散魄乘其間夫  
爲道者當使內外鏡徹宮商相應靈感於中  
神降於外信不虛也映昔亦如此諸人陶其  
心今已消也夫須人陶而改者故下通耳所  
以懃懃期不令在此近亦粗具

右小君言



真言 卷之七  
世事非所期時運何足聞有道自當見中路  
莫不煩吾欲因楊問便自知乃作此

右清靈言夫與人國而如首如不感其  
有間於邪而邪悉爲之踊也非病也  
右安九華語

念不宜多多則正散正散而求不病猶開門

以捍猛敵二聖夫真真

右紫微語

治自當差無苦累

保命君言八日

何以至喪家

保命君言

欲服符飲水使卽愈不欲者當與

定錄君語

尋自差

保命君語

多有所道甚云云觀當乙二第七無慮也

示此一行楊君與長史書語耳

戲言猶耳許長史勿笑此落廓不束高下失



常定之勿疑若不加意勿單用此慎示人慎  
示人

一句保命告長史

右十四條公書

衰年體羸多為風寒所乘當深頤養晏此無  
事上味玄元栖守絳津體寂至達心研內觀  
屏彼萬累蕩濯他念乃始近其門戶耳若憂  
累多端人事未省雖復憇靈空洞存心淡泊  
纏綿亦弗能達也漁陽田豫曰人以老馳車

輪者譬猶鐘鳴漏盡而夜行不休是罪人也

以此喻老嗜好行來屑屑與年少為黨耳若

今能誓不復行者則立愈矣如其不爾則疹

與年階可與心共議耶

田豫字國讓漁陽雍奴人有幹畧為并州

刺史遷衛尉年老求遜位與司馬宣王書曰年過七十而以居位譬猶鐘鳴漏盡而夜行不休是罪人也年八十二引此語以動長史令去官也

藥四丸日服一

行來宜詳前後已累言之矣

右三條楊書



夢惡者明旦當啓太上一以正魂魄二以折  
除不祥  
奉道之家當精治靜舍

右二條山書

禮年七十懸車懸車者以年薄虞淵如日之  
晁體氣就損神候方落不可復勞形軀於風  
塵役方寸於外物矣許長史旣至此時始可  
隱逸耶還親華陽之館修乎黃老之業北河  
之命方旌遷擢之華亦顯豈不快哉今此疾

方愈也不足憂也雖爾慎接於紛紛之務經  
緯人事之寒熱矣於今乃未可動脚動脚人

當言爾畏鬼

北河之命卽易遷所聞竇氏之言似有所擬者也

此年

六月憂長史不佳非重疾也今年許家鬼注  
小起雖爾無可苦保命及范中候已爲申陳  
之右帥晨許肇亦深以爲意無所憂也去留  
之會死生之事三官祕禁不宜外示今所以  
道此者蓋以皮謂應作人已聞至道於宵心  
也且可官身未宜去位可去可罷方更相示







又第三行衆藻集下別起成條 又第五  
 行彼人何如下別起成條 又第十一行  
 聰者下別起成條 又第十五行尋飛絕  
 影下別起成條

第四葉第五行夫清靜下世本別起成條

又第十六行爲道者下別起成條

第七葉第二行可密尋下世本別起成條

第九葉第三行宜服五飲九下似當別起成

條 又第八行語許長史下別起成條

第十八葉第十六行許長史下似當別起成

條 又第十七行北河之命下似當別起

成條

第十九葉第三行此年六月下似當別起成

條

真誥卷之七







除治爾牀席左右令潔淨理護衣被者使有  
常人常燒香使泠然不雜也南嶽上真當數  
看出內便料理起居可使草及木瓜耳手自  
先有風患是以今風氣之本至耳多云針灸  
佳益使人無憂此易遷令告長史也草及木瓜當是理衣下人名耳可  
迎黃民來出民奴既欲來又云其月末左右  
當小小疾患迎來在此則疾患除也當部分  
護靜屋以為急并欲得一室可棲息處今年  
欲取草當為民奴留之草今年自有本命厄

非欲取也令其乞符自保而帶之

臥牀後孤有懸風可安北面下一

彰謂應作障字

亦可以牀著近北壁下勿使虛懸晨夕當心

存拜靜心存行道也

身既有疾不能拜起故令心存不替

芥有

霍亂疾勿使冷食此兒常不大宜住此今自

無他耳

右易遷一夕再來四更中

獨來道此先初來又與保命俱

此似在縣下所授今掾還

山使黃民歸家也易遷即掾母亡後得入易遷宮因呼為號前所呼亦皆是也



斧學道如穿井井愈深而去土愈難運出自  
當披其心正其行乃得見泉源耳有人說中  
候言如此可令知之李中候名導卽人學道  
撰茅三君傳者  
譬如萬里行比造所在寒暑善惡草木水土  
無不經見也亦試在其中也頃數聞人道此  
始乃悟之耳彼君念想殊多渠謂應作  
詎字能成  
遠志不平昔時常多所恨始悟人難作而善  
不可失云學道者除禍責此審爾當懃

右易遷夫人所道

山嶽氣擾則強禽號於林川瀆結滯則龍虬  
慘於澤此自然象也故豪盛微覺將類獸告  
其駭浪玄數纖兆而號咷微乎治亂矣斯蓋  
山川之盈縮非人事之吉凶若墳附丘山誠  
與沂岫等波苟趣舍理乖則吹萬之用不同  
也非靜順無以要謙非虛棲無以冥會是故  
死生之幾吉人不復豫苟思之無邪不爲禍  
害

五月十四日右英夫人答

孔

辭後入贍作  
謝安字孔



氏孔默也云似是孔嚴兄弟長史父先為嚴從兄坦前鋒都督是討沈克時既有因緣故得此也

虎頃大號墓下事

自未得和神靜形俯願幽精者疾源或與年而積耶若未能用交賒之途者將奚促促於藥

定錄仙人答孔求乞藥方

想早葬兄今注煙速消雖不辦妨於生者要欲得柩物時寧三泉使凶氣泯靜也

小兒疾方行當示

五月十七日夜保命仙君所言答(△)

一字被剪

除疑猶是孔字所問疾患者

右從禮年來凡十九條並有掾書

遵懃心香火有情向藥故有言消磨之愈疾

謂其將聞斯而請命耶

仙真並呼藥為消磨故稱消磨經也誦之

亦能消疾也

應南趨而北騁既心口違矣夫捐薺

以茹茶晒九成而悅北鄙者

捐薺至此亦是抱朴博喻中語

我知其無識和音之聽鑒也當永為吉人爰



及母奴然所起是學而不思浚井不潔蓋肉人之小疵耳無乃此也今事結水禁猶有可申若許長史能於靜中若救之者則一門全矣亦是師主祭酒之宜請而為德惠乎

五月二十日夜右英作與長史

劉遵祖善譚說殷浩

向庾亮稱之後一會譚論殊不合遂名之為羊叔子鶴於是失名

劉遵心故為修耳何不令其母服大遠志丸

七月七日夜紫微夫人告

即啓可得疏方不良久答言世間自有可尋

索密用保命君問紫微曰此方用牛黃銀屑

者非若是者小為難合

此即今大鎮心丸也先以水銀摩銀屑使

消故為難合

紫微答但頷頭

右三條楊書

陸納兄弟清真淳一有姜伯子之風知欲有

遠志欣然其祖父有陰德當慶流七世知陸

荀子自誓乞苦齋一年欲授經卿自

此二字後人僂

非真更量之劉遵乃有好心早自知



保命答許長史

陸納兄名始並有德行祖名英仕吳丹陽郡太守苟

子當是人小名不詳是誰納為尚書令太元二十年亡

虞昭為其兄子

此二字後人豔易作先人字本猶可識

事文書

牽連身被攝繫方未已殆欲無理賴其在此粗有功德且其家福德強章聞累疊皆被上御事已散尋蒙追遣之其病雖篤無所憂許侯為之甚至密相示

保命答許長史

庾道季身處陽官貴勢不能順天用法憤憤

慢信心形不同自少及長善功無一積惡不改其罪目已定今臨命方欲修德以自濟免徒費千金之用不亦晚乎

保命答許長史

庾和字道季亮第二子也幼有才辭文義升平中為

丹陽尹表除諸侯六十餘事太和初為領軍如此行迹不似為惡恐是聞戒修善故

得申遂

鄰回父無辜戮人數百口取其財寶殃考深

重惋

謂應作怨字

主恒訟訴天曹早已申對回法

應滅門但其修德既重一身免脫子孫豈得



全耶回當保其天年但仙道之事去之遠矣

大元真人答許長史

郗回父鑒清儉有志行不應殺掠如此或

是初過江時擺併所致不爾則在涼時殺賊有濫也鑒年七十餘乃終即得為豐宮

右從陸納來四條有甲手書

平凝夷質淵通妙靈神造重絕棲真攝生太  
玄植簡太素刊名金庭內曜玉華外瑩朱軒  
四駕嘯命衆精騁龍玄州飛雲浮冥必能上  
友逸臺之公下監御于太清矣

八月十七日夜紫微王夫人授令因許長

史示郗

希遐遠曜冥響凝玄蕭浪上韻耽夢遯真仰  
飛霄霧俯散靈根飛步四覺內觀七緣者則  
必有丹書秀簡帝房之錄玄聲八振棲身五  
嶽於是灌胎朝元吐納六液從容三道誨此  
景福上可以策軒空洞下可以反華變黑矣  
若形羈榮羅鼓輪華園乘波適物鳴簪風塵  
外有謀道之名內有百憂來臻者適足勞天



年以騁恩終歸骸於三官耳齋之不專徒悟而無益可謂意不盡言乎

蓋行真炁當吐三納四乘七吞九今吸之不足躡之失序神漏泝源精亡胎擾雖休糧日挹而莫知道與年喪矣欲階此渡也其未接乎夫索長生者多津尋靈塗者千百何必用冰爐以盛火趣償責於三官耶

右中君言因許長史示郝

紫微夫人云郝若得道乃當為太清監也若

能聞要道而勤者當至此格若不專篤而守

迷行外舍道法者則都失也

紫微前語與太元殊乖而如此

所云當是迷不能勤乎要道司命顯其終迹故也

情不餘念者道乃來耳郝回猶未足以論至

道耶小郝綜婦丁淑英者有救窮之陰德又

遇趙阜之厄而不言內慈自中玄感皇人故

令福逮於回使好仙也綜墓在東平淑英今

為朱陵嬪數遊三上司命亦令聽政焉此二人當

是回之曾祖也外書不顯郝瞿與薛春華至垂心於門宗



初不以生人爲事然訟者多但不能咸制之耳每見諫考訴者甚懃至也時節宜祠之耶此二人郝家之福鬼外書亦無此二郝雄與閻屈女不相當負石之役于今未了喜擊犯門宗心常殺絕此二人是郝家之禍鬼郝豔除此名不可識與殷武姬被考以燒殺朱奢李賤以致災也其無後亦求代逮又與高豐相扇甚助馬頭之訟石公未便可得佳恐不止耳亦何趣欺其婦耶省來懃懃試爲掩正之亦

無此諸人

右保命答許長史

小君說言郝鑒今在三官爲劉季姜所訟爭三德事周馬頭在水官訟其壻引理甚苦郝朗伊香之二人今爲牙女子奇求此

范帥昨受江羅辭

郝相今爲大曹吏所逮其婦邢嬰桃受事未了方索代人於此家

此自是旁聽小君之言語耳不令書之爲自



疏識以示耳

此二十二字是楊君自記與長史

高齡反化晚

而祭酒弱道氣不交靈助無主是以羣邪纏

玄急行其禍奚不宗生生乎於我助之有緣

其婦言亦急家事當須了之非他得豫

今六天之橫縱而太平之微薄靈不足以助

順適足以招羣奸所以神光披越而邪乘正

任矣高齡之無德久矣鬼訟之紛錯積矣許

長史

黃氏黯作掾字

將欲理之耶若翻然奉張諱道

者我當與其一符使服之如此必愈而

訢

此

也矣不然往詣水官所謂嗚呼哀哉

張諱即天師名

也楊不欲顯疏也

邪氣入體鬼填胃次其將迴惑於邪正必不

能奉正一於平氣耶如此吾治疾之方殆不

可得

正一平氣即天師祭酒之化也

彼往其子亦去何一身

之永逝乎

八月十九日夜保命君密語許長史

冢訟尤甚恐亦未已齡曾鑿敗古人碑銘之

文以自顯焉陰賊於鬼神弊

謂應作蔽字

善以自



標訴者誠多事以此爲首先

八月二十四日夜保命告

欲取謝奉補期門郎而今已有兼人北帝故  
權停之耳近差王允之兼行得代奉若服木  
酒可未便恭命也高耆亦可服木其家冢訟  
亦爲紛紛木遇鬼炁故必無他耳

范中候言此

謝奉字弘道會稽人仕至吳郡丹陽尹吏部尚書王允之敦同堂弟王舒子有智幹爲河南中郎將江州遷衛將軍會稽封番禺侯年四十七謚中侯高耆卽謂齡也期門郎豐都中官而記中不見此職惟有修門耳

從平凝來凡十四條有掾寫

夫觀物適任內順明靈託性命於高真委形  
氣於神攝者亦尅疆以永遐迴秋齡以保真  
今德匠旣疑神仗信澄心密靜圓順廣敬固  
天祐焉然胤嗣不多或時彫落將猶靈關失  
緯潛機未鎮耳當今五氣滋曜常朗文昌之  
房三星結華每煥璇衡之內是以玄潤胎萌  
遂其流根矣我按九合內志文曰竹者爲北  
機上精受氣於玄軒之宿也所以圓虛內鮮



重陰含素亦皆植根敷實結繁衆多矣公試  
可種竹於內北宇之外使美者遊其下焉爾  
乃天感機神大致繼嗣孕既保全誕亦壽考  
微著之興常守利貞此玄人之秘規行之者  
甚驗

六月二十三日中候夫人告公

孝武壬戌生此應是

辛酉年而後又云上相座動後以臨登極乃是後午未年此爲大懸

靈草廕玄方仰感旋曜精洗洗

似草作言邊應洗洗字即

毛詩螽斯羽詵詵兮宜爾子孫之義也

繁茂萌重德必克昌

紫微夫人作

福和者當有二子盛德命世

福和似是李夫人賤時小名也

今晉書名俊容二子即孝武并弟道子也

同夜中候告

右三條揚書又掾寫

德匠既凝玄範自天安危之事未宜問也公  
傾注甚至所以未相酬者豫事難論耳頃天  
氣激逸陰景屢變太白解體於二辰之中愆  
勃於紫房之下王者惡焉天子有憂上相座



動今聊作讖密以相示

右此及讖有掾寫在

尋真綜廻文今難解耳今鉤連相取又別疏  
出之其授之時維當道其辭揚君後自更錯  
義皆是說晉代之  
事並有明徵也

相欺豈妙道要吾知之天祕能

有術金之萬尋師疾逆除惡子

自之制夷遂平世天命乘驅寶

奇龍者暮可悲真間世復思宜

神熙逆歷有數在茲基無不無

兵隆誰定帝紘室來之皇慎地

先卒兒必虧金紛異五亂德天

火數失期座當變見遠凶匠制

規三由匠足不慮憂危撥保封

寸莫其測源劉知向有明施者

三五瑞天之代隆換迭相運推

精氣神妙二參儀慎凡傳人賢

精氣神妙參二儀慎傳凡人賢者施封天制

地無不宜子能寶祕天知之吾道要妙豈相

期自有奇神先兵規火寸三五天瑞之隆代



迭換運相推明匠保德慎無思驅惡除逆疾  
尋思萬金之術龍之熙隆數卒三失由兒莫  
測其源劉向知有凶撥亂皇復基乘天命世  
遂平夷制逆者誰必定期匠不足慮憂遠危  
五世之間真可悲慕歷有數帝座虧當見變  
異紛紜來金室在茲枕麝香一具於頸間辟  
水注之來絕惡夢矣常存三關佳也

右英告公

凡云公者皆簡文  
帝為相王時也

右一條楊書

五字  
朱書

太元真人告許長史

此後非  
真說

我嘗見南陽樂

子長淳朴之人不師不受順天任命亦不知  
修生之方行不犯惡德合自然雖不得延年  
度世死登福堂練神受氣名賓帝錄遂得補  
修門郎位亞仙次緣天資有分亦由先世積  
德流慶所陶若使其粗知有攝生之理兼得  
太上一言之訣如此求道無往不舉矣

夫人所以不盡年壽中多天遏涉世者或遭  
刀兵之難致榮祿不終祚胤不長志道之人



雖有一生之心鑽求匪懈徒復遭遇真文耽  
玄精微慕尚者衆得升騰者稀經非不妙靈  
豈無感愚愚相隨安知修真之本營神養性  
鎮守之法世人積小以來形中傷犯者多帝  
一不治百神驚散考試萬端所謂荒城之內  
荆棘生焉無妙術以自導修道以求仙貪榮  
慕貴多垂成而敗皆由喪真犯氣愚瞽罔昧  
豈識此機耶致奪年滅筭萬事不成以此求  
生去生遠矣虛自苦耳太上有玄機之道煥

落七神枕中之要此道微乎妙哉初不傳於  
下挺愚俗之人有此道者帝一治於玄宮萬  
神守備與天同心按訣謹而修之登山越海  
萬試不干修仙升度所欲從心斯豈虛言耶  
卿父子玄機邈世理妙接真故可縈淳之仙  
才而爲衆真所稱非吾獨所稱舉故當與卿  
同編仙錄無復理外之嫌亦已諮啓卿故令  
知乃心

受用金龍玉魚此不可闕所以爾者詣太上



前昭靈亦當粗具近所寫神虎符意嫌不精  
可更書為善卿前所道相王事頃面郗回亦  
知有好心但所得少耳自當保其天年也  
見謝所作傳未易功乃能序述聖迹賞解作  
奇此是天發其心昨亦已見司命君大以為  
佳冥中自當報之有緣其子孫若知醮靈岳  
祈天真降應必也豈虛言哉謝家一門唐承  
之世繁林蔚然甚可欣也安石先對所鍾如  
何具如近面不足宣

### 真人西城王君答許侯

右四條别一手書

陸修靜後於東陽所  
得不與諸迹同辭事

偽陋不類真旨疑是後人所作樂子長  
非受五符者唐承即列紀所云四十六  
丁亥  
之期

### 音釋

常不

應作否  
補美切

數聞

上音  
朔

號咷

音豪陶  
哭聲

墳

高曰墳又音  
憤土膏肥也

汧

音牽  
水名

黠

于敢切大  
汚垢黑

柩

音舊  
棺也

徂禮切  
水菜

茹

音如  
食菜

荼

音途  
苦菜

泔

音褻除  
去也

疵

方不

當作否  
方九切

領

胡感切

僂

音懺  
雜也

累疊

上力委切  
本作

真告

卷之六

上六



案古對切憤憤心亂也擺併上比切郝音絺䟽識音志炁古氣

字番禺音潘愚嶺南邑名璇音旋本作璿美玉也洗洗音莘衆也螽

斯上音終訟即訟字蔚然上音鬱草木盛貌

辨訛

第七卷禮年來至第八卷小兒疾共十九條

是為一時所錄今藏本中分之繆也

第一葉第十四行可迎黃民下世本別起成

條又第十七行今年欲取草下似當別

起成條

第二葉第四行斧有霍亂疾似當別起成條

又第十二行人學道下似當別起成條

又第十六行彼君念想下似當別起成條

第三葉第六行非靜順下似當別起成條

第八葉第五行郝綜婦下似當別起成條

第九葉第十行高齡反化下世本別起成條

第十葉第五行彼往下似當別起成條



第十葉第五行

第十葉第十行

第九葉第五行

第三葉第六行

又第十大行

又第十大行

真誥卷之八





